

**MALAYSIA**  
**DEWAN RAKYAT**  
**ATURAN URUSAN MESYUARAT**  
**NASKHAH SAHIB/BAHASA MALAYSIA**

<http://www.parlimen.gov.my>

**HARI ISNIN, 21 OKTOBER 2013, PUKUL 10.00 PAGI**

**Bil. 25**

---

**PERTANYAAN-PERTANYAAN BAGI JAWAB LISAN**

1. PR-1313-L58121  
**Datuk Raime bin Unggi [ Tenom ]** minta **PERDANA MENTERI** menyatakan limpahan peluang dan ruang yang bakal diberikan kepada Bumiputera Sabah yang mana agenda memperkasakan ekonomi Bumiputera telah diumumkan YAB. Perdana Menteri, Dato' Sri Mohd Najib bin Tun Abdul Razak di bawah Majlis Ekonomi Bumiputera (MEB).
2. PR-1313-L57236  
**Dato' Seri Anwar bin Ibrahim [ Permatang Pauh ]** minta **PERDANA MENTERI** menyatakan pendekatan Kerajaan untuk memenuhi kehendak Perlembagaan Persekutuan berkaitan ulang kajian bahagian-bahagian pilihan raya dan sejauh mana kesediaan bagi merundingkan persempadanan semula dengan pihak pembangkang.
3. PR-1313-L57951  
**Datuk Wira Haji Ahmad bin Hamzah [ Jasin ]** minta **PERDANA MENTERI** menyatakan hasil lawatan kerja YAB Perdana Menteri ke Amerika Syarikat (AS) dan menghadiri mesyuarat Majlis Penasihat Sains dan Inovasi Global (GSIAC) termasuk melawat pejabat Twitter, Google dan Facebook dalam usaha berterusan Kerajaan menjadikan Malaysia sebagai ekonomi berpendapatan tinggi dengan meningkatkan kemampuan Malaysia dalam bidang sains dan inovasi.
4. PR-1313-L58008  
**Tuan Lim Guan Eng [ Bagan ]** minta **PERDANA MENTERI** menyatakan jumlah dan jenis pelaburan oleh FELDA dalam perniagaan seperti perhotelan di London yang tidak berkaitan dengan aktiviti teras perladangan komoditi setiap tahun sejak 2000. Nyatakan prestasi kewangan pelaburan dan sama ada perolehan cukup untuk membiayai kos *capex*/pelaburan.

5. PR-1313-L58273  
**Datuk Ikmal Hisham bin Abdul Aziz [ Tanah Merah ]** minta **MENTERI KESIHATAN** menyatakan sejak Januari hingga September 2013 berapa banyak kes keracunan makanan yang berlaku di seluruh negara khususnya di sekolah-sekolah.
6. PR-1313-L57758  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI BELIA DAN SUKAN** menyatakan perbelanjaan tahunan bagi pembangunan sukan negara antara 2008 dan 2012 terutamanya dalam sukan bola sepak serta senarai insentif dan program bagi memupuk para atlit/pemain bola sepak baharu dan kos yang dibelanjakan.
7. PR-1313-L57798  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI KEWANGAN** menyatakan penarafan "*Fitch Rating*" ke atas pengurusan kewangan Kerajaan Malaysia yang telah mencatatkan peningkatan 53 peratus daripada KDNK defisit telah menjejaskan pelaburan kewangan antarabangsa. Apakah unjuran "*Financial Charges*" yang diperlu dibayar dan berapakah unjuran tunai untuk melunaskan komitmen Kerajaan setiap tahun. Apakah sumber baru Kerajaan tanpa menerbitkan instrumen pinjaman baru.
8. PR-1313-L57441  
**Dr. Hajah Siti Mariah binti Mahmud [ Kota Raja ]** minta **MENTERI DALAM NEGERI** menyatakan apakah rancangan Kerajaan untuk mengurangkan jumlah PATI yang sedia ada dan adakah Kerajaan berhasrat untuk meminda syarat-syarat yang sedia ada untuk membolehkan golongan ini dapat mendaftar dan mengesahkan kehadiran mereka di negara kita.
9. PR-1313-L57877  
**Tuan Wilson Ugak Kumbong [ Hulu Rajang ]** minta **MENTERI PERTANIAN DAN INDUSTRI ASAS TANI** menyatakan adakah terdapat perancangan untuk menambah peruntukan bagi pemberian subsidi baja padi bukit untuk meringankan beban petani terutamanya di Sarawak khususnya di bahagian Kapit.
10. PR-1313-L57224  
**Dato' Mansor bin Othman [ Nibong Tebal ]** minta **MENTERI SUMBER MANUSIA** menyatakan berapakah jumlah Agensi Pekerjaan yang berdaftar dengan Kementerian sehingga kini dan apakah sistem pemantauan yang dilakukan oleh Kementerian untuk memantau kepentingan pekerja-pekerja yang berdaftar dengannya terjamin.

11. PR-1313-L58955  
**Tan Sri Dato Sri William Mawan Ikom [ Saratok ]** minta **MENTERI PEMBANGUNAN WANITA, KELUARGA DAN MASYARAKAT** menyatakan:-
- (a) berapakah jumlah kes yang telah dilaporkan kepada pihak Kementerian berhubung kes pembuangan bayi yang telah diselamatkan oleh masyarakat setempat terutama di negeri Sarawak; dan
  - (b) adakah pihak Kementerian berhasrat untuk mempergiatkan program kesedaran berhubung kes pembuangan bayi ini.
12. PR-1313-L57647  
**Tuan Sim Chee Keong [ Bukit Mertajam ]** minta **MENTERI SAINS, TEKNOLOGI DAN INOVASI** menyatakan jumlah perbelanjaan dalam program angkasawan negara yang pertama dan apakah rancangan serta kos yang diperuntukkan untuk program angkasawan yang kedua. Sila nyatakan termasuk kos pelancaran ke angkasa lepas.
13. PR-1313-L57835  
**Datuk Ahmad Jazlan bin Yaakub [ Machang ]** minta **PERDANA MENTERI** menyatakan langkah Kerajaan bagi mempercepat dan meningkatkan proses agenda transformasi negara melalui bidang strategik seperti teknologi maklumat (IT), bioteknologi serta sains dan teknologi dalam menjadikan Malaysia sebagai sebuah negara ekonomi ilmu dan meningkatkan proses inovasi.
14. PR-1313-L57489  
**Tuan Jeff Ooi Chuan Aun [ Jelutong ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tujuan Kerajaan menubuhkan Unit Pembangunan Bumiputera dalam Kementerian tersebut. Bukankah ini satu dasar diskriminasi terhadap pembeli-pembeli bukan Bumiputera yang layak.
15. PR-1313-L58907  
**Tuan Anuar bin Abd. Manap [ Sekijang ]** minta **PERDANA MENTERI** menyatakan tindakan-tindakan yang telah dan akan diambil bagi memastikan setiap laman web agensi Kerajaan termasuk Kementerian-kementerian sentiasa dikemas kini dan mempunyai maklumat terkini berkenaan agensi tersebut.

16. PR-1313-L57286  
**Tuan Oscar Ling Chai Yew [ Sibu ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah kenderaan bomba bagi pihak bomba di kawasan Sibu. Pada kes kebakaran Kampung Datu sudah menunjukkan bahawa bilangan kenderaan bomba yang ada di Sibu tidak mencukupi. Bolehkah Kementerian menambah dua buah lagi kenderaan bomba di kawasan Sibu.
17. PR-1313-L57789  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah-langkah yang diambil oleh Kementerian dalam usaha untuk membantu belia-belie yang terlibat dalam masalah sosial seperti pembuangan bayi dan dadah contohnya dapat kembali diterima dalam masyarakat.
18. PR-1313-L58389  
**Dato' Dr. Nik Mazlan bin Nik Mohamad [ Pasir Puteh ]** minta **MENTERI KESIHATAN** menyatakan usaha Kementerian untuk mengawal ubat-ubatan berbahaya daripada dipasarkan kepada rakyat. Adakah tangkapan dibuat terhadap peniaga ini.
19. PR-1313-L57992  
**Puan Rubiah binti Haji Wang [ Kota Samarahan ]** minta **PERDANA MENTERI** menyatakan apakah kejayaan Strategi Lautan Biru Kebangsaan menerusi 1M4U dalam meningkatkan semangat kesukarelawan di kalangan belia.
20. PR-1313-L57143  
**Dr. Ismail bin Daut [ Merbok ]** minta **MENTERI DALAM NEGERI** menyatakan bagaimana Kementerian membendung penyeludupan senjata api dari luar negara ke Malaysia terutama di sempadan Thailand-Malaysia yang berleluasa. Pihak Kementerian juga diminta mencari jalan bagaimana cara menghalang kemasukan senjata api secara "*piece by piece*" komponen yang sukar dikesan.
21. PR-1313-L57210  
**Dato' Haji Mohd Zaim bin Abu Hasan [ Parit ]** minta **MENTERI PENDIDIKAN** menyatakan apakah usaha Kementerian untuk meningkat dan membina kemahiran berkomunikasi yang baik dan menanam sifat budi pekerti yang sihat di kalangan murid di peringkat awal sekolah. Lantas untuk melahirkan masyarakat yang bijak berkomunikasi dan mempunyai sifat budi pekerti yang dihormati.

22. PR-1313-L58846  
**Tuan V. Sivakumar [ Batu Gajah ]** minta **MENTERI PENDIDIKAN** menyatakan cadangan Kementerian menubuhkan Jawatankuasa Khas Mengkaji Kurikulum Sejarah dan Buku Teks Sejarah Sekolah Menengah. Siapakah yang telah dilantik menjadi Ahli Jawatankuasa itu dan apakah perkembangan terkini mengenai kajian yang dilakukan.
23. PR-1313-L58683  
**Tuan Ignatius Dorell Leiking [ Penampang ]** minta **PERDANA MENTERI** menyatakan tindakan-tindakan yang telah diambil oleh Kerajaan untuk membasmi kemiskinan di negeri Sabah dan keberkesanannya dengan menggunakan statistik dan data yang berkenaan.
24. PR-1313-L58579  
**Dato' Noraini binti Ahmad [ Parit Sulong ]** minta **MENTERI KEMAJUAN LUAR BANDAR DAN WILAYAH** menyatakan kriteria dalam pemilihan sesuatu kawasan yang dicadangkan senarai pusat RTC dan apakah Kementerian bercadang untuk meluaskan RTC ini ke kawasan lain yang berpotensi seperti di kawasan Parlimen Parit Sulong.
25. PR-1313-L58377  
**Tuan Fong Kui Lun [ Bukit Bintang ]** minta **MENTERI DALAM NEGERI** menyatakan apakah rasional abu mayat mendiang Chin Peng tidak boleh dibawa balik ke Malaysia sedangkan Perjanjian Damai Hatyai memperuntukkan antara lain kebenaran Kerajaan Malaysia kepada anggota PKM balik ke Malaysia dan terdapat bekas pemimpin-pemimpin yang dibenarkan balik ke Malaysia.
26. PR-1313-L58515  
**Tuan Wong Ling Bui [ Sarikei ]** minta **MENTERI PENDIDIKAN** menyatakan bilangan sekolah rendah yang beraliran Cina (SJK(C)) dan Sekolah Menengah Bantuan Kerajaan yang masih mengalami kekurangan guru di Bahagian Sarikei. Apakah tindakan Kementerian untuk mengatasi masalah kekurangan guru yang terlatih di sekolah-sekolah tersebut.
27. PR-1313-L58059  
**Dr. Mansor bin Abd Rahman [ Sik ]** minta **MENTERI PENDIDIKAN** menyatakan adakah Kementerian sedar masalah terhadap sistem Penilaian Berasaskan Sekolah yang membebankan para guru dan ia tidak berkesan selagi jumlah murid dalam kelas melebihi 30 orang dan kelengkapan yang kurang.

28. PR-1313-L58635  
**Dr. Ko Chung Sen [ Kampar ]** minta **MENTERI DALAM NEGERI** menyatakan bilangan rakyat Malaysia yang telah berhijrah ke luar negara dalam tempoh sepuluh tahun yang lalu mengikut pecahan bangsa, negara destinasi, bilangan profesional dan sumber manusia yang hilang.
29. PR-1313-L57693  
**Dato' Ngeh Koo Ham [ Beruas ]** minta **PERDANA MENTERI** menyatakan sama ada Kerajaan bersedia selain daripada Bahasa Malaysia (dengan meminda undang-undang) menjadikan Bahasa Inggeris sebagai bahasa pilihan/alternatif untuk digunakan di mahkamah.
30. PR-1313-L58175  
**Dato' Wira Othman bin Abdul [ Pendang ]** minta **MENTERI KEMAJUAN LUAR BANDAR DAN WILAYAH** menyatakan berapakah jumlah peruntukan untuk pembinaan rumah PBR (Program Bantuan Rumah) di negeri Kedah tahun 2013 dan jumlah rumah yang telah dibina mengikut daerah.
31. PR-1313-L58634  
**Dr. Ko Chung Sen [ Kampar ]** minta **MENTERI KESIHATAN** menyatakan:-
- (a) jumlah perbelanjaan kesihatan sektor awam dan sektor swasta sejak 5 tahun yang lalu dan dijangka dalam tempoh 5 tahun akan datang; dan
  - (b) peratusan KDNK dibelanjakan untuk perkhidmatan kesihatan serta langkah-langkah yang diambil untuk mengawal kos penjagaan kesihatan yang semakin meningkat untuk mengurangkan beban kepada negara dan rakyat.
32. PR-1313-L58755  
**Tuan Julian Tan Kok Ping [ Stampin ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah perbezaannya di antara "*Competition Act 2010*" dengan "*The Sherman Antitrust Act*" serta keberkesanan akta tersebut. Nyatakan 10 kes-kes yang terbesar secara terperinci yang pernah ataupun sedang dikendalikan dari segi jumlah maksimum denda.
33. PR-1313-L58721  
**Tuan Loke Siew Fook [ Seremban ]** minta **MENTERI LUAR NEGERI** menyatakan butiran kos secara terperinci yang ditanggung oleh Kerajaan untuk lawatan Perdana Menteri ke San Francisco dan New York pada bulan September 2013, senarai ahli dalam delegasi tersebut dan apakah yang dicapai daripada lawatan tersebut.

34. PR-1313-L57192  
**Dr. Che Rosli bin Che Mat [ Hulu Langat ]** minta **MENTERI PENDIDIKAN** menyatakan :-
- (a) berapakah projek penyelidikan di Institut Pengajian Tinggi dan Institut Penyelidikan Awam Negara yang tidak dapat dikomersialkan mulai tahun 2008 sehingga 2013; dan
  - (b) apakah strategi Kementerian dalam usaha untuk mengelakkan kegagalan mengkomersialkan hasil dalam projek penyelidikan tersebut.
35. PR-1313-L58180  
**Dato' Seri Tiong King Sing [ Bintulu ]** minta **MENTERI PENDIDIKAN** menyatakan:-
- (a) apakah jumlah pengambilan dan peratusan mahasiswa dari luar negara yang mengikuti kursus peringkat sarjana muda di IPTA-IPTA seluruh negara dalam tempoh 5 tahun kebelakangan ini; dan
  - (b) apakah langkah-langkah yang diambil oleh Kerajaan supaya meningkatkan daya persaingan antara pelajar lepasan STPM dengan calon kemasukan luar negara di IPTA-IPTA.
36. PR-1313-L57771  
**Tuan Er Teck Hwa [ Bakri ]** minta **MENTERI KEWANGAN** menyatakan jumlah hutang negara dan peratus hutang negara berbanding KDNK sehingga kini. Senaraikan jumlah pinjaman, institusi dan negara setiap tahun daripada tahun 2008-2013. Apakah cara pembayaran dan berapakah yang telah dibayar semula.
37. PR-1313-L58485  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan bolehkah Kerajaan senaraikan hotel-hotel yang mendapat pengiktirafan sijil halal di negara ini.
38. PR-1313-L58804  
**Dato' Henry Sum Agong [ Lawas ]** minta **MENTERI PENDIDIKAN** menyatakan:-
- (a) bilakah SMK Lawas No. 2 akan dilaksanakan; dan
  - (b) SK Pusat Lawas dapat disiapkan sepenuhnya dan diguna pakai.

39. PR-1313-L58524  
**Tuan Chong Chieng Jen [ Bandar Kuching ]** minta **MENTERI PENDIDIKAN** menyatakan apakah jumlah dan peratusan perbelanjaan pembangunan yang diperuntukkan untuk Kementerian Pendidikan dalam tahun 2010, 2011, 2012 dan 2013 adalah diperuntukkan untuk Sekolah Jenis Kebangsaan Cina.
40. PR-1313-L57539  
**Dato' Fauzi bin Abdul Rahman [ Indera Mahkota ]** minta **MENTERI DALAM NEGERI** menyatakan jumlah pekerja berdaftar yang bekerja dalam negara mengikut pecahan negara asal mereka, begitu juga anggaran jumlah Pendatang Asing Tanpa Izin (PATI) yang bekerja dalam negara menurut pecahan negara asal mereka.
41. PR-1313-L57909  
**Tuan Gooi Hsiao-Leung [ Alor Setar ]** minta **MENTERI PENDIDIKAN** menyatakan langkah-langkah yang telah diambil oleh Kerajaan untuk memantau institusi-institusi pengajian tinggi swasta (IPTs) bagi memastikan mereka membekalkan pendidikan yang berkualiti.
42. PR-1313-L58033  
**Puan Teresa Kok Suh Sim [ Seputeh ]** minta **MENTERI DALAM NEGERI** menyatakan jumlah tahanan yang dibebaskan sejak pembatalan Ordinan Darurat (*Emergency Ordinance*). Berapa orang yang ditahan di bawah Ops Cantas dan berapa jumlah yang telah didakwa di mahkamah sejak mereka ditahan.
43. PR-1313-L58632  
**Dr. Ko Chung Sen [ Kampar ]** minta **PERDANA MENTERI** menyatakan:-
- (a) berapakah jumlah bajet dan bilangan kakitangan bagi Suruhanjaya Pencegah Rasuah Malaysia untuk 5 tahun yang lalu dan perancangan untuk 5 tahun akan datang; dan
  - (b) berapakah bilangan kes yang dibawa ke pendakwaan, bilangan kes yang telah disabitkan kesalahan dan jumlah wang rasuah yang terlibat.
44. PR-1313-L58153  
**Dato' Seri Reezal Merican bin Naina Merican [ Kepala Batas ]** minta **PERDANA MENTERI** menyatakan apakah terdapat perancangan untuk mencadangkan persempadanan semula kawasan pilihan raya dalam masa yang terdekat ini. Usaha ini selari dengan perkara 113, Perlembagaan Persekutuan yang membenarkan inisiatif sedemikian diambil di atas beberapa asas yang kukuh. Kali akhir dilakukan persempadanan semula adalah pada tahun 2003.



45. PR-1313-L57508  
**Puan Alice Lau Kiong Yieng [ Lanang ]** minta **MENTERI KERJA RAYA** menyatakan:-
- (a) statistik kemalangan yang melibatkan penunggang motosikal dan kemalangan maut yang melibatkan penunggang motosikal bagi setiap negeri dalam tahun 2008, 2009, 2010, 2011, 2012 dan 2013; dan
  - (b) jumlah lorong khas motosikal di setiap negeri dan berapakah yang akan dibina untuk mengurangkan kemalangan yang tidak diingini.
46. PR-1313-L58421  
**Dato' Johari bin Abdul [ Sungai Petani ]** minta **MENTERI KESIHATAN** menyatakan:-
- (a) berapa jumlah doktor gigi yang sedang berkhidmat dengan Kerajaan sekarang; dan
  - (b) adakah peralatan yang disediakan mencukupi termasuk kerusi "*dental chair*" untuk setiap pegawai pergigian dan Doktor Gigi Pakar.
47. PR-1313-L58864  
**Dato' Mohd Ariff Sabri bin Abdul Aziz [ Raub ]** minta **MENTERI PELANCONGAN DAN KEBUDAYAAN** menyatakan:-
- (a) sama ada Kementerian melantik mana-mana pihak untuk mengurus dan menjalankan operasi kawal selia ke atas kawasan-kawasan air terjun di daerah Raub; dan
  - (b) nyatakan langkah-langkah yang diambil Kementerian untuk mempromosi Raub sebagai destinasi air terjun.
48. PR-1313-L57950  
**Puan Kasthuriraani a/p Patto [ Batu Kawan ]** minta **PERDANA MENTERI** menyatakan komitmen untuk menyerap 7 lagi tuntutan BERSIH supaya Pilihan Raya Umum di Malaysia akan berjalan dengan penuh semangat demokrasi, bersih, adil dan bebas.
49. PR-1313-L58999  
**Puan Mas Ermieyati binti Samsudin [ Masjid Tanah ]** minta **MENTERI PENDIDIKAN** menyatakan apakah rasional pihak Kerajaan membayar sebanyak RM20 juta kepada firma perunding Mckinsey & Co. bagi merangka Pelan Pembangunan Pendidikan (PPP).

50. PR-1313-L58692  
**Tuan Lim Lip Eng [ Segambut ]** minta **PERDANA MENTERI** menyatakan apakah tindakan disiplin dan tindakan mahkamah yang diambil terhadap mana-mana pihak susulan Laporan Ketua Audit Negara 2012. Langkah-langkah yang diambil untuk mengelakkan perkara seperti ini diulangi.
51. PR-1313-L58470  
**Tuan Chua Tian Chang @ Tian Chua [ Batu ]** minta **MENTERI DALAM NEGERI** menyatakan jumlah kemasukan pekerja asing setiap tahun antara 2005-2013, dan jumlah yang dihantar pulang pada tempoh tersebut. Juga sila senaraikan negara asal pekerja-pekerja.
52. PR-1313-L58714  
**Dr. Ong Kian Ming [ Serdang ]** minta **MENTERI KEMAJUAN LUAR BANDAR DAN WILAYAH** menyatakan jumlah dan peratusan penjawat awam berketurunan Orang Asli di Jabatan Kemajuan Orang Asli (JAKOA).
53. PR-1313-L57167  
**Dato' Dr. Tan Kee Kwong [ Wangsa Maju ]** minta **MENTERI SAINS, TEKNOLOGI DAN INOVASI** menyatakan bilakah lesen pelupusan sisa Lynas diberikan.
54. PR-1313-L58206  
**Raja Dato' Kamarul Bahrin Shah [ Kuala Terengganu ]** minta **MENTERI SUMBER ASLI DAN ALAM SEKITAR** menyatakan adakah keperluan kajian alam sekitar (E.I.A.) hanya diperlukan untuk projek-projek yang melebihi keluasan 50 hektar walaupun kawasan yang lebih kecil terbabit merupakan tanah yang sensitif kritikal di mana apa-apa perubahan kepada keadaan semula jadi boleh menimbulkan ancaman umum.
55. PR-1313-L58832  
**Datuk Koh Nai Kwong [ Alor Gajah ]** minta **MENTERI PENDIDIKAN** menyatakan berapa peratus murid di Malaysia yang tercicir dalam pelajaran di peringkat sekolah rendah dan di peringkat sekolah menengah.
56. PR-1313-L58338  
**Tuan Tony Pua Kiam Wee [ Petaling Jaya Utara ]** minta **MENTERI BELIA DAN SUKAN** menyatakan:-
- (a) siapakah sponsor yang menarik diri setelah bersetuju untuk membiayai kos konsert K-Pop sebanyak RM1.6 juta pada tahun 2012; dan

- (b) siapakah pihak Kementerian yang bertanggungjawab memutuskan pelancaran konsert tersebut tanpa sebarang jaminan pembayaran daripada sponsor tersebut.
57. PR-1313-L57124  
**Dr. Haji Izani bin Haji Husin [ Pengkalan Chepa ]** minta **MENTERI KEMAJUAN LUAR BANDAR DAN WILAYAH** menyatakan bagaimana konsep yang mudah dan adil dalam pemberian bantuan kepada rakyat miskin luar bandar.
58. PR-1313-L57088  
**Dato' Seri Ong Ka Chuan [ Tanjong Malim ]** minta **MENTERI DALAM NEGERI** menyatakan apakah langkah yang berkesan yang telah diambil oleh Kerajaan untuk mengawal laluan sempadan sama ada di darat atau di perairan untuk mencegah penyeludupan, terutamanya bahan-bahan yang merbahaya seperti senjata api dan dadah.
59. PR-1313-L57855  
**Dato' Othman bin Aziz [ Jerlun ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan adakah Kementerian sedar kini banyak peniaga-peniaga terutama di luar bandar, telah sewenang-wenangnya menaikkan harga barang. Apakah langkah-langkah yang diambil bagi menguatkuasa pemantauan bukan hanya untuk barangan kawalan, tetapi lebih menyeluruh termasuk barang keperluan harian.
60. PR-1313-L57509  
**Tuan Lim Kit Siang [ Gelang Patah ]** minta **PERDANA MENTERI** menyatakan sama ada Suruhanjaya Pilihan Raya telah memulakan persempadanan semula kawasan pilihan raya, dengan memberi butir-butir terperinci, dan untuk menyatakan bilakah jangka masa bagi pihak Suruhanjaya Pilihan Raya melaksanakan proses persempadanan semula bagi setiap fasa proses tersebut.
61. PR-1313-L57944  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI PENDIDIKAN** menyatakan:-
- (a) apakah Kementerian maklum bahawa di negeri Sabah didapati banyak rumah dan kuarters penginapan guru-guru yang berada dalam keadaan daif, jika tidak rosak teruk; dan
- (b) jika maklum apakah rancangan Kementerian untuk menyediakan kuarters guru kepada guru-guru agar mereka hidup selesa dan kondusif untuk menjalankan tugas dengan sempurna.

62. PR-1313-L59121  
**Dr. Tan Seng Giaw [ Kepong ]** minta **PERDANA MENTERI** menyatakan pencapaian dan kekangannya untuk melaksanakan Program Transformasi Kerajaan (GTP).
63. PR-1313-L58224  
**Dato' Hasbullah bin Osman [ Gerik ]** minta **MENTERI PENGANGKUTAN** menyatakan sebab-sebab kemalangan jalan raya pada waktu perayaan utama, apakah hasil kajian kemalangan jalan raya yang melibatkan bas ekspres dan henti-henti di Malaysia yang perlu didedahkan pada umum.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Kewangan**

- \* Rang Undang-undang Perbekalan 2014

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

**ATURAN URUSAN MESYUARAT DAN USUL-USUL**

- |    |                |   |                                   |
|----|----------------|---|-----------------------------------|
| 1. | (D.R. 9/2013)  | Rang Undang-undang Kanun Keseksaan<br>(Pindaan) 2013  | <b>Bacaan Kali<br/>Yang Kedua</b> |
|    |                | <b>[ Menteri di Jabatan Perdana Menteri ]</b>   |                                   |
| 2. | (D.R. 11/2013) | Rang Undang-undang Kesalahan<br>Keselamatan (Langkah-Langkah Khas)<br>(Pindaan) 2013          | “                                 |
|    |                | <b>[ Menteri Dalam Negeri ]</b>   |                                   |
| 3. | (D.R. 14/2013) | Rang Undang-undang Penjara (Pindaan)<br>2013  | “                                 |
|    |                | <b>[ Menteri Dalam Negeri ]</b>   |                                   |
| 4. | (D.R. 10/2013) | Rang Undang-undang Kanun Tatacara<br>Jenayah (Pindaan) 2013                                   | “                                 |
|    |                | <b>[ Menteri di Jabatan Perdana Menteri ]</b>   |                                   |
| 5. | (D.R. 12/2013) | Rang Undang-undang Keterangan<br>(Pindaan) 2013   | “                                 |
|    |                | <b>[ Menteri di Jabatan Perdana Menteri ]</b>   |                                   |
| 6. | (D.R. 13/2013) | Rang Undang-undang Bahan-bahan<br>Kakisan dan Letupan dan Senjata<br>Berbahaya (Pindaan) 2013 | “                                 |
|    |                | <b>[ Menteri Dalam Negeri ]</b>   |                                   |
| 7. | (D.R. 15/2013) | Rang Undang-undang Lambang dan Nama<br>(Mencegah Penggunaan Tak Wajar)<br>(Pindaan) 2013      | “                                 |
|    |                | <b>[ Menteri di Jabatan Perdana Menteri ]</b>   |                                   |
| 8. | (D.R. 16/2013) | Rang Undang-undang Rumah Perjudian<br>Terbuka (Pindaan) 2013                                  | “                                 |
|    |                | <b>[ Menteri Kewangan ]</b>   |                                   |

9. (D.R. 17/2013) Rang Undang-undang Loteri (Pindaan) 2013 “
- [ Menteri Kewangan ]**
10. (D.R. 18/2013) Rang Undang-undang Pertaruhan Pool (Pindaan) 2013 “
- [ Menteri Kewangan ]**
11. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “
- [ Menteri Pelancongan dan Kebudayaan ]**
12. (D.R. 20/2013) Rang Undang-Undang Dadah Berbahaya (Pindaan) 2013 “
- [ Menteri Kesihatan ]**

13. PR-1313-U58205  
**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

14. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

15. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**



16. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

17. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

18. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

19. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

20. PR-1313-U59119

**Dr. Tan Seng Giaw [ Kepong ]** akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

**(Menteri Kesejahteraan Bandar, Perumahan dan Kerajaan Tempatan)**

21. PR-1313-U59120

**Dr. Tan Seng Giaw [ Kepong ]** akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

**( Menteri Pengangkutan )**